

ՄԱՆԿԱՆ ՀՈԳԵՐԱՆԱԿԱՆ ԷՎՈՒՅՈՒՑԻՒՄԸ 2. ԹՈՒՄԱՆՅԱՆԻ «ԻՄ ԸՆԿԵՐ ՆԵՍՈՆ»
ՊԱՏՄՎԱՅՔՈՒՄ

Վ. Պ. ԳԱՐՐԻՅԱՆ

2. Թումանյանը մեծագույն մանկական դրող է, մանկան հոգերանություն
հանձարեղ գիտակ ու թարգման: Նրա երկերը այնքան պարզ ու վճիտ են, այն-
քան հուղական ու գրավիչ, որ հավասարապես սիրելի են բոլոր տարիքի երե-
խաներին: Համոզվելու համար բավական է հիշել նրա անդուզական պատմ-
վածքները («Գիբորը», «Իմ ընկեր Նեսոն», «Եղջերուն»), չգերազանցված հե-
քիաթները («Քաջ Նազար», «Չախախ թագավորը», «Մուսլիկ որսկանը»),
նրա մանկական բանաստեղծությունները, պոեմները, բալլադներն ու լեզենդ-
ները («Շունն ու կատուն», «Պողոս-Պետրոսը», «Քառնիկ ախպեր», «Չարի
վերջը», «Մուկիկի մահը», «Մի կաթիլ մեղրք») և վերջապես համաշխարհային
գրական գոհարների բարձրարվեստ թարգմանությունները:

Խորապես իմանալով երեխաների հոգերանությունն ու հետաքրքրություն-
ները, ընկալման հնարավորությունները, հույզերն ու զգացմունքները, նրանց
բարոյական բարձր հատկություններ պաստառելու միջոցները, Թումանյանը
գյուլիչ խոսքի, զինամիկ գործողությունների և վառ պատկերների միջոցով
երկերին հաղորդել է ներգործական հզոր ուժ:

«Գիբորը» կարգալիս անհնար է չհուզվել, չկարեկցել պատանի գյուղա-
ցուն, ատելությամբ շլցվել բազաղ արտեմների նկատմամբ: Այդպիսին են նաև
«Մարոն», «Իմ ընկեր Նեսոն» և մյուս ստեղծագործությունները, որոնցում Թու-
մանյանը բացահայտում է մանկան հոգեկանի առանձնահատկությունները,
նրանց ձևավորման ուղիները:

Ներկա հոգվածում մենք կսահմանավակվենք նրա պատմվածքներից մեկի
«Երոսի» Նեսոյի հոգեկան էվոլյուցիայի ֆենոթիպումը, ցույց տալով, թե ինչպես
բանաստեղծը կարողացել է ներկայացնել հին գյուղի սոցիալական պայման-
ների ազդեցությունը կարիքի ծանրության տակ նվաճող երեխայի հոգերանու-
թյան վրա, բացատրելով, բայց բնավ չարդարացնելով Նեսոյի վարքագծի հե-
տազա ընթացքը:

Որպեսզի իր պատմվածքը դարձնի ավելի համոզիչ և զգայական, Թու-
մանյանը ներկայացնում է իր մանկության ընկերոջը՝ Նեսոյին, նրա լավն ու
վատը հաղորդում ընթերցողին՝ իր անմիջական հիշողությունների, ասյրում-
ների, վերաբերմունքի ու զնահատականների միջոցով, Այսպես, Նեսոյին կար-
ծես տեսել ես, լսել, այժմ էլ հիշում ես նրան, ինչպես իները՝ Թումանյանը:
«Մի ընկեր Նեսոն», անունը Նեսո: Է՞նքան հեքիաթներ գիտեր... Ամառվա
լուսնյակ գիշերները մեր դռան գերանների վրա շուրջ-բոլոր նստոտում էինք
հիացած պլշում Նեսոյի՝ ոգևորությունից գեղեցկացած զեմքին: Ու պատմում
էր նա Հուրի փերիներից, Չմրուխտ դուշից, Լիս ու մուլ աշխարհից... — Նեսո
չան, Նեսո, հիմի էլ Կուր թագավորի հերիաթը պատմիք:

Այսպես, մոտիկ ու հարադատ դարձնելով նևսոյին, Թումանյանը անկեղծ լավ ու կարեկցանք է տալիս բերում ընթերցողի մոտ, ստեղծելով տեսողական ու լսողական նորանոր ուժեղ տպավորություններ։

«— Ինչ էլ,— դրում է Թումանյանը,— ականջումս է նևսոյի լացի ձևեր, որ իրենց դռներ թափալ դալով դոռում էլ, թե՛ ես էլ եմ ուղում ուսում-նարան դնում։ Եվ ղեռ ականջումս է նրա հոր ձևեր... «Կա ոչ, կա ոչ... որտեղի՞ց տամ... երեք մանեթ ունենամ՝ կտանեմ՝ հացի կտամ... հրես մնացել եք սոված»¹։

Ծրբ դուգահեռ ենք բացկացնում «Գիրք»-ի և «Իմ ընկեր նևսոն»-ի միջև, ընդհանուր բաներ շատ ենք տեսնում, թեպետ գրանցում տպավորված են գյուղական երեխաների կյանքի տարբեր պայմաններ ու կողմեր Երկուսն էլ վերաբերում են նույն պատմական ժամանակաշրջանին, բայց նույնը չէ նրանց անմիջական միջավայրը, որ իր կնիքն է դրել երեխաների վարքագծի վրա։

Մենք տխրում ենք, վշտանում, հուզվում «Գիրք» կարգալիս։ Ուրիշ զգացմունքների հետ շաղախված նույնատիպ ասպրումներ ենք ունենում նաև «Իմ ընկեր նևսոն» կարգալիս։

Մեզ մոտ առաջացած հոգևորիճակաների ու զգացմունքների վերլուծություն, ինքնադիտություն միջոցով միայն կարող ենք հասկանալ այդ երկու պատմվածքների զործած ազդեցություն ընդհանրություններն ու տարբերությունները։ Ինչքան էլ զրանց ազդեցություն տալիս առաջացած հոգևորիճակաները նույննանիշ լինեն՝ դրական (ուրախություն, սեր, կարեկցություն), կամ բացասական (տխրություն, հուսահատություն, հիասթափություն), դրանք Գիրքի ու նևսոյի նկատմամբ տարբեր կլինեն իրենց ներհանգիստով, քանի որ Գիրքն ու նևսոն էլ տարբերվում են միմյանցից իրենց խառնվածքով ու բնավորություն, տարբեր են նրանց վրա ներդրածը, նրանց հոգին ձևավորող ազդակները, կյանքի անմիջական պայմանները։

Գիրքը մաքուր էր. միամիտ ու խղճ և մենք կարեկցում ենք նրան, անկեղծորեն ողբում նրա կորուստը։ Կարեկցանքի այլ գունավորումներով ենք վերապրում նևսոյի հոգեկան անկումը։ Խորին ցավ ես զգում նրա խորամանկություն, ստախոսություն, ազահություն, ձեռնաքաշություն, վերջապես՝ գողություն ու ձերբակալության մասին իմանալիս։ Երկու ողբերգություն է ծավալվում մեր առջև. երկուսն էլ սրտի տարբեր լարերին կաշռող և տարբեր երանգների հնչյուններ առաջացնող։

Թումանյանին հաջողվում է խոսքի արտահայտչականության բոլոր միջոցներն օգտագործել՝ իր զգացմունքների նույնիսկ անորսալի երանգներն հաղորդել ընթերցողին։ Մի գեպում դա վարպետորեն օգտագործած խոսուն բառ է, մյուս գեպում՝ բաղմիմաստ ժողովրդական արտահայտություն կամ վառ տպավորություն, որոնք բորբոքում են ընթերցողի երեակայությունը և ուղիներ դարձնում հուղական ընկալման համար։ Այս միջոցներով է, որ Թումանյանը կարողանում է բացահայտել իր մանուկ հերոսների հոգեկանը։

Նևսոյի և Գիրքի զմայլություն սոցիալական մոտիվները, իրենց լայն առումով, նույնն են, տարբեր են նրանց դրսևորման ձևերը։ Նրանք ղեռնաս են, միամիտ, անհոգ, կենսախիղ ու երջանիկ։ Նրանց հասկանալի չէ իրենց ընտանիքների նյութական վիճակի ծանրությունը։ Տաշտից մի կտոր հաց ու

¹ 2. Թ ու մ ա ն յ ա ն, Երկերի ժողովածու, հ. 3, էջ 198։

պանիր վերցնելով նրանք ուտում են, խաղում, զոհ ու անվրդով: Աղքատության ճնշող ազդեցությունը նրանք դրում են ավելի ուշ, երբ Գիքորին տանում են քաղաք ու մատնում բազազ Արտեմի քմահաճության, իսկ Նեսոն, միջոցներ չունենալու պատճառով դրկվում է կրթությունից:

Հենց սկզբից Թումանյանը ընթերցողի մոտ դեպի Նեսոն առաջացնում է համակրանքի ուժեղ զգացմունք, որը պետք է հակադրվի պատմվածքի ընթացքում առաջացող բացասական զգացմունքներին և պատմվածքի վերջում ամբողջ թափով նորից հնչի:

Զղացմունքների այսպիսի բազմազանություն ստեղծելու, դրանք միմյանց հակադրելու միջոցով Թումանյանը ցանկացել է բացահայտել անհատի անկման օբյեկտիվ պատճառները, հասկացնելով, թե պետք է ըմբոստանալ ոչ թե տվյալ կոնկրետ անհատի դեմ, այլ նրան ծնող ու սնող դառը իրականության դեմ: Դա զերազույն չափերով հաջողվել է հեղինակին թե՛ «Գիքորը» և թե՛ «Իմ ընկեր Նեսոն» պատմվածքներում:

«Իմ ընկեր Նեսոն» պատմվածքի առաջին կեսէջանոց մասը մաժորային երանգավորում ունի, սակայն երկրորդ մասից սկսած պատկերը փոխվում է: Պատճառը երեխաների կյանքի պայմանների փոփոխությունն է: Նոր իրադրություններն ու մարդկային հարաբերությունները ազդում են երեխաների վրա, իրենց կնիքը դնելով նրանց ընկալումների, մտապատկերների, հույզերի ու մտածելակերպի վրա:

Ընկերներից մեկին՝ Հովհաննեսին, հաջողվել է դպրոց ընդունվել, իսկ մյուսները՝ շունեորները դուրս են մնացել և ահա ամիսներ շարունակ «...նրանք դնում էին ուսումնարանի պատի տակին նստոտում՝ սպասում էին մինչև դասերս վերջանար, որ միասին գնայինք»:

Այդքան ուժեղ արտահայտված հոգեհարազատությունը երեխաների մոտ ժամանակի ընթացքում սկսում է թուլանալ ու խամրել:

Ընկերական զգացմունքների մեջ առաջանում է, գուցե ոչ շատ խորը, բայց արդեն զգալի ճեղքվածք: Երեխաներն այլևս չեն գնում դպրոց ընկերոջն ընդառաջ: Տաք գույներով երանգավորված կտավի վրա դրվեց առաջին գորշ շերտը, որը հաջորդ երկու տարիների ընթացքում ինտենսիվացավ:

Թումանյանը հարազատ է մնացել հոգեբանական ճշմարտությանը. ոչինչ չի կատարվում միանգամից, անհասկանալի ու անբնական կերպով:

Ժամանակին համընթաց մռայլ շտրիխները թանձրանում և դրա ընկալման հետ կապված մեր միևնույն զգացմունքներն էլ հետզհետե ուժեղանում ու որոշակի են դառնում:

Հովհաննեսը գյուղից հեռացել է, սովորում է մոտակա գյուղաքաղաքում: Սի քանի ամսից հետո արձակուրդին գյուղ է վերադառնում ու հանդիպում ընկերներին: «...Չեմ հիշում ինչպես բարեկցինք. միայն էն է միտս մնացել, որ նրանք էլ առաջվա նման մտերիմ ու հարապատ չլին ինձ հետ»:

Որքան որ երեխաների զգացմունքներն ուժեղ են, հաճախ աֆեկտի աստիճանի հասնող, այնքան շարժուն են ու անկայուն: Եվ եթե միառժամանակ հետո նրանք չեն ամրապնդվում, և աննպաստ պայմաններն էլ իրենց բացասական դերն են կատարում, ապա թուլանում ու նույնիսկ բոլորովին կորչում են: Քանի դեռ Հովհաննեսը գյուղում էր, ղեալ հնարավորություն ունեւր ընկերներին հանդիպելու, մտերմությունն ու սերը առավել ամրապնդելու: Մյուսնե-րի նման նա էլ դեռ գյուղի երեխա էր, և ընկերները հիմք չունեին նրա վրա

ակնածանքով նայելու: Ամեն ինչ փոխվեց, երբ նա գյուղից հեռացավ գյուղաքաղաք: Գեղջուկ երեխաների երևակայությամբ գյուղաքաղաքն ավելին էր, քան իրականում, ուստի և այնտեղից վերադարձած Հովհաննեսն էլ նրանց աչքում արդեն ուրիշ մարդ էր դարձել: Նոր միջավայրը փոխել էր նաև Հովհաննեսին:

Գյուղաքաղաքից եկած Հովհաննեսը վարմանք է առաջացնում երբեմնի ընկերների մոտ ամենից առաջ իր հաղուստով, հանգամանք, որ ենթակա է երեխաների անմիջական ընկալման: «...Նեսոն ձեռքը քսեց իմ շորերին, նրան հետևեցին մյուսները ու դարմանք հայտնեցին, թե ինչ փափուկ են»: Այս տողերով Թումանյանը բացահայտել է երեխաների հոգու նվարդությունն ու անմիջականությունը, միաժամանակ ցույց տալով, որ ընկերական սիրո ջերմությունը դեռ ինչ-որ չափով պահպանված է նրանց սրտերում:

Հովհաննեսին էլ միայն հիմա են նկատելի դառնում ընկերների կեղտոտ ու պատառոտված շորերը: Այս պահից սկսած երկու կողմերն էլ կարծես պատնեշվում են իրենց ինքնազգացողությամբ, ընդ որում աստենիկ զգացմունքները (ընկճվածությունը, անհամարձակությունը, վախը, թախիծը) դառնում են չունևորության մշտական ուղեկիցները, իսկ ստենիկ զգացմունքները (ինքնավստահությունը, համարձակությունը, ինքնագոհությունը)՝ ունևոր մարդու վարքագծի հիմնական ու հարատևող գործոններ:

Այսինքն վատ սլայմանները երեխաների, մանավանդ պատանիների ու երիտասարդների հոգեկանում արտացոլվում են յուրովի, առաջացնելով ընկճվածություն, քաշվածություն, ինքնամփոփություն և այլ նման զգացմունքներ: Մարգու հասունացման հետ երբեմն նույն ալի զգացմունքները կարող են փոխարինվել նախանձով, նենգամտությամբ, շարամտությամբ, դուռ բանալ վատ արարքների: Մարդկային հոգու նման վերափոխության վառ օրինակ է Նեսոն:

Երբ Հովհաննեսը ուսումը շարունակելու նպատակով տեղափոխվում է քաղաք, բնականաբար, ընկերների բաժանման ժամանակաշրջանը ավելի տևական է դառնում և նրանց միջև առաջացած անջրպետն ավելի է խորանում:

«Երբ էնտեղից էլ վերադարձա՝ իմ առաջվա խաղընկերները, որ արդեն մեծ տղերք էին, եկան բարեկցին մյուս գյուղացիների նման ու նրանց հետ էլ հեռու կանգնեցին»:

Նեսոն կասկածում է, թե արդյոք քաղաքացի դարձած ընկերը հիշում է այն գիշերները, երբ գեղանների վրա նստած հեքիաթ էին պատմում:

— Վա, ինչպե՞ս չի միտս... միթե կմոռանամ: էգ իմ մանկության ամենավաղ հիշողություններից միսն է, — պատասխանեցի ես:

«Նեսոն կարծես թե ուրախացավ», սակայն դա անցողիկ մի զգացմունք էր և, ինչպես Թումանյանն է նկատում, նա «...դարձյալ մնաց օտար ու հեռու»:

Պատմվածքի հաջորդ բաժնում պատկերված է ձևավորված ու հասունացած Նեսոյի ներքնաշխարհը:

Հոգու այն նրբազգացությունը, որ ստեղծվել էր մանուկ հասակում և այժմ էլ բնորոշ էր Հովհաննեսին, իսպառ վերացել էր Նեսոյի մոտ, թերևս դա է պատճառը, որ Նեսոն ընկերոջ բնավորության դրական հատկություններն էլ հակված էր ընկալելու որպես բացասական հատկություններ:

Բնավորության ամենավսեմ հատկություններից են նրբանկատությունն ու նրբազգացությունը, որոնց շնորհիվ մարդը կարողանում է հասկանալ, կա-

րեկցել ու վերապրել ուրիշի ապրումները և համապատասխան վարք հանդես բերել:

Մարդկանց մտերմության հիմքում ընկած ամենակարևոր հատկություններից են նրրանկատությունն ու նրբազգացությունը, և պատահական չէ, որ Խումանյանը արդեն կերպարանափոխված Նեսոյի մասին խոսելիս առաջին հերթին նրա այդ հատկության բացակայությունն է մատնանշում:

Հովհաննեսը Նեսոյի ձիով դնում է քաղաք, բայց լինելով նրբազգաց ընկեր, չի կարողանում հանդուրժել, որ ինքը ձի նստի, իսկ Նեսոն ոտքով գնա: Մի քիչ անցնելուց հետո հայտնեցի, թե ես ոտով դնալն ավելի եմ սիրում, քան ձիով ու ձիուց իջա... Նեսոն սրա վրա ուրախացավ, բայց նկատեցի, որ նա իմ արածը վերագրում է ոչ թե իմ բարիությանն ու ընկերական զգացմունքին, այլ իմ հիմարությանը: Ես վշտացա իմ մեջ...»:

Հաջորդ պահերին բացահայտվում են Նեսոյի վարքի ավելի խոցելի դժերը, որոնք մի կողմից ավելի են բորբոքում բարյացակամ ու նրբազգաց ընկերոջ ինքնասիրությունը, իսկ մյուս կողմից՝ խորապես վշտացնում նրան:

Հովհաննեսի դանակով Նեսոն ձմերուկ է կտրում, ապա յուրացնում դանակը և հավատացնում ընկերոջը, որ այն վերադարձրել է. «Ես սլարդ նկատեցի, որ նա իմ դանակը տակով արավ, վերջն էլ ուրիշները տեսել էին ձեռքին»:

Այս բոլորից հետո էլ հին ընկերությունից ինչ որ հաճելի բաներ դեռ առկայծում էին Հովհաննեսի սրտում, բայց Նեսոյի հաջորդ քայլը խորտակեց ամեն մի պատրանք՝ թողնելով ընկերոջ սրտում միայն ծխացող մոխիր, անսփոփ ցավ ու մրմուռ հոգեպես խորտակված ընկերոջ բախտի համար:

Տեղ հասնելուց հետո Հովհաննեսը բացի ձիու վարձից Նեսոյին նվիրում է մի արխալուղացու, սակայն շնորհակալության փոխարեն լսում է Նեսոյի խոսքերը... «Բա մի չայի փող չես բախշում...»:

Տարիներ հետո Քումանյանը գյուղամիջում հանդիպում է Նեսոյին՝ «...մի հալից թոկով կապած ու գլխակոր...», «...գողություն է արել...»:

Նեսոն աղքատ է... Նեսոն տղետ է... Նեսոն լցված է գյուղական շարքաշ կյանքի դառնություններով... Նա էլ եթե ուսում առներ, կրթվեր, ապահով լիներ՝ լավ մարդ կլիներ, գուցե ինձանից էլ շատ ավելի լավ»:

Սա է Քումանյանի եզրահանգումը: Սակայն սրանով չի վերջացնում հեղինակը այս փորձիկ, պարզ շարադրված, բայց շատ խորիմաստ ու անշափ զգացմունքային պատմվածքը:

Բանաստեղծը պատմվածքի վերջում կարծես կամենում է նորից վերհիշեցնել սկիզբը, արթնացնել ընկերության վսեմ զգացմունքները և դրանով էլ ընդգծել վատ պայմաններում խեղված մարդկանց ողբերգությունը:

Ընթերցողի հիշողության մեջ՝ միմյանց հակադրվելով երևում են երկու տարբեր Նեսոների՝ մտապատկերներ, որոնցից ամենապայծառ առաջինն է՝ «...էն մանուկ Նեսոն, լուսնյակ գիշերներին գերանների վրա նստած հերիաթ ստող Նեսոն, մաքուր ու միամիտ Նեսոն, իմ մանկության ընկեր Նեսոն»: